

西湖志卷之三十三

藝文三

詩 五言古

早春錢塘湖晚眺

唐 張 祜

落日下林坂撫襟睇前蹤輕澌流迴浦殘雪明高峰仰
視天宇曠俯登雲樹重聊當問真界昨夜西巒鐘

和僧長吉湖居五首

宋 范仲淹

湖山

湖山滿清氣賞心甲吳越晴嵐起片雲晚水連初月漁

西湖志

卷三十三

藝文三

一

父得意歸歌聲等閑發

水月

千尋月脚寒湖影淨於天忽如嫦娥宮俯仰見嬋娟更
約中秋夕長津無寸煙

筠亭

為愛碧鮮亭入夏故關至臺榭競生煙獨有清涼意高
岡鳳不來幽人此沉醉

風笛

風引湖邊笛焉知非隱淪一聲裂雲去明月生精神無

為落梅調留寄隴頭人

渚蓮

武林誰家子波面雙雙渡空積心中絲未成機上素似
共織女期秋宵苦霜露

四月八日西湖觀民放生

宋 蔡襄

盈舟載魚蝦投瀉清波際應無校人欺獨行流水惠非
求升斗活終免螻蟻制江湖自相忘洲島亦還逝脫淵
思曩戒喚餌省非計為生豈不幸萍藻庶可翳

九月十五日觀月聽琴西湖示坐客

西湖志

卷三

藝文三

二

宋 蘇軾

白露下秋草碧空卷微雲孤光為誰來似為我與君水
天浮四座河漢落酒樽使我冰雪腸不受麴蘖薰尚恨
琴有弦出魚亂湖紋哀絃本舊曲妙耳非昔聞良時失
俯仰此見寧朝昏懸知一生中道眼無由渾

懷西湖寄晁美叔同年

宋 蘇軾

西湖天下景游者無愚賢深淺隨所得誰能識其全嗟
我本狂直早為世所捐獨專山林樂付與寧非天三百
六十寺幽尋遂窮年所至得其妙心知口難傳至今清

夜夢耳目餘芳鮮君持使者節風采爍雲煙清流與碧
巘安肯爲君妍胡不屏騎從暫借僧榻眠續我壁間詩
清涼洗煩煎策杖無道路直造意所便應逢古漁父葦
間自賣緣問道若有得買魚勿論錢

杭州遊山

宋蘇軾

山平村塢迷野寺鐘相答晚陰生林杪落日猶在塔行
招兩社僧共步青山月送客渡石橋迎客出林樾幽尋
本真性往事聽徐說錢王方壯年此邦事輕俠鄉人鄙
貧賤異類識英傑立石像興王遺址今岌業功勳三吳
定富貴四海甲歸來父老藏崇高畏傾壓詩人工譏病
此欲恣挑抉流傳後世人談笑資口舌是非今已矣興
廢何倉卒持歸問禪翁笑指浮漚沒

次韻仲殊雪中遊西湖

宋蘇軾

夜半幽夢覺稍聞竹葦聲起續凍折絃爲鼓一再行曲
終天自明玉樓已崢嶸有懷二三子落筆先飛霏共爲
竹林會身與孤鴻輕秀句出寒餓身窮詩乃亨禪老復
何爲笑指孤煙生我獨念粲者誰與予目成

湖上夜歸

宋蘇軾

我飲不盡器半酣味尤長籃輿湖上歸春風吹面涼行
到孤山西夜色已蒼蒼清吟雜夢寐得句旋已忘尚記
梨花村依依聞暗香入城定何時賓客半在亡睡眠忽
驚矍繁燈鬧河塘市人拍手笑狀如失林麀始悟山野
姿異趣難自強人生安爲樂吾策殊未良

九日湖上尋周李二君不見君亦見尋於湖上以
詩見寄明日乃次其韻

宋蘇軾

湖上野芙蓉含思愁脉脉娟然如靜女不肯傍阡陌詩
人杳未來霜艷冷難宅君行逐鷗鷺出處浩莫測葦間
西湖志

卷三

藝文三

四

聞拏音雲表已飛屐使我終日尋逢花不忍摘人生如
朝露要作百年客喟彼終歲勞幸茲一日澤願言竟不
遂人事多乖隔悟此知有命沉憂傷魂魄

五月十日與呂仲甫周邠僧惠勤惠思清順可久

惟肅義詮同泛湖遊北山

宋蘇軾

三吳雨連月湖水日夜添尋僧去無路澌澌水拍簷駕
言徂北山得與幽人兼清風洗昏翳晚景分濃纖縹緲
朱樓人斜陽半疎簾臨風一揮手悵焉起遐瞻世人驚
朝市獨向溪山廉此樂得有命輕薄神所殲

自徑山回得呂察推詩即用其韻招之宿湖上

宋蘇軾

多君貴公子愛山如愛色心隨丹葉去夢遶千山碧新
詩到中路令我喜折屐古來軒冕徒操舍兩悲慄數朝
辭簪笏兩脚得暫赤歸來不入府却就湖上宅寵辱吾
久忘寧畏官長詰飄然便欲去誰在子思側君能從吾
游出郭及未黑

連日與王忠玉張全翁游西湖訪北山清順道潛

二詩僧登垂雲亭飲參寥泉最後過唐州陳使

西湖志

卷三十一 藝文三

五

君夜飲忠玉有詩次韻答之

宋蘇軾

北山非自高千仞付我足西湖亦何有萬象生我目雲
深人在塢風靜響應谷與君皆無心信步行看竹竹間
逢詩僧眼色奪湖淶百篇成俯仰二老相追逐故應千
頃池養此一雙鵠山高路已斷亭小膝屢促夜尋三尺
井渴飲半甌玉明朝鬧絲管寒食雜歌哭使君坐無聊
狂客來不速載酒有鴟夷叩門非啄木浮蛆灑金盃翠
羽出華屋須臾便陳迹覺夢那可續及君未渡江過我
勤秉燭一笑換人爵百年終鬼錄

和子瞻自徑山回宿湖上

宋蘇轍

朝從徑山來，決莽徑山色。暮從湖上歸，滉漾湖光碧。借問泛湖舟，何似登山屐。高懷厭朝市，遠去忘憂慄。目向幽人青，顏從濁醪赤。塵埃解羅網，宇宙爲安宅。油然了無營，此意誰能詰。嗟子別離久，欲往徒反側。留滯亦何爲，空驚突深黑。

偶游大愚見餘杭明雅照師舊識子瞻能言西湖舊遊將行賦詩送之

宋蘇轍

五年賣鹽酒勝事不復知，城東古道場蕭瑟。寒松姿出

西湖志

卷三

藝文三

六

遊誠偶爾相逢亦不期，西軒吳越僧弛擔。未多時言往西湖中，巖谷涵清漪。却背閭井喧曲盡，水石奇昔年蘇夫子。杖履無不之，三百六十寺處處題清詩。麋鹿盡相識，况乃比邱師。辯淨二老人，精明吐琉璃。笑言每忘去，蒲褐相依隨。門人几杖立，徃徃聞談詞。風雲一解散，變化何不爲。辯入三昧火，卯塔長松欹。淨老不復出塵尾，清風施蘇公得罪去。布衣拂霜髭，空存壁間字。鬱屈蟠蛟螭，知我即兄弟。微官此棲遲，問何久自苦。五斗寧免飢，俯首笑不答。且爾聊敖嬉，我兄次公狂。我復長康癡。

及復自爲計定知山中宜但欲畢婚娶每爲故人疑君
歸漫灑掃野鶴非長羈

雨霽行西湖二首

宋程俱

晨暉麗春山雨過松竹香連峰翠欲滴動搖雲水光長
堤如卧虹草暗路已荒菰蒲破綠淨老葑日以長念昔
總角游祇今二毛蒼物境旣非昨我身安得常

半生走三吳問舍如捕風敢辭百尺樓高卧愧元龍向
來江道人卜宅湖山中安知三十年忽作梵王宮蒼雲
翳修竹飛閣凌春空主人兩鬢霜驅車大河東豈念五
西湖志

卷三

藝文三

七

畝園方作萬里封而我志幽獨長年羨冥鴻翻無容足
地茅茨剪蒿蓬

次韻遊西湖阻雨

宋陳淵

去年賞西湖薄暑攀躋難同游幸勝士酒沃衣巾斑今
歲來錢唐臘雨扁舟寒友朋適四集局感樊籠間此生
分林泉造物猶未慳未爲登岳禱且作訪戴還無私本
天理敢怨陰雲頑向來旱蝗歲征賦何當寬寧令風作
雪要看麥堆山

十日不至湖上

宋周紫芝

我始跨匹馬蹉躓來東吳東吳亦何有政復爲西湖西
湖如靜女婉然真彼姝湘娥結煙鬟水鏡涵空虛晴光
固不惡雨態亦自殊窈窕一僧窗煙雲媚朝晡上下數
白鳥飛翻與人娛只今雨鳴葉便作波跳珠寒窗掛薜
蘿身疑在菰蒲咫尺不得住况乃千里餘始來梅欲花
旋復春云徂幸茲少留住換我西征車尚可具小舟紅
粧醉芙蓉

冬至前九日湖水盡冰後二日晚晴小舟循湖心
而歸冰已稍開書是日所見

宋周紫芝

西湖志

卷三

藝文三

八

積雨凝宿陰寒冰結湖背鷗鷺不敢前龜魚各潛晦敲
冰得湖心鼓棹作澎湃萬玉朝明堂丁東響環珮誰來
貝闕中小現銀色界夕陽似知人微溫散珠琲爲我開
糝糊遙山影空翠境勝不可名語惡聊自悔安得王右
丞萬象歸綵繪遙憐西子寒眉月增點綴

曉行湖堤望南山諸峰

宋周紫芝

曳履步遠壑挽衣支短筇霽色過急雨餘霞漏微紅照
眼一湖淨環湖幾山重不知何處燈明滅蒼翠藂但聞
煙霞間繞山鳴亂鐘暮年行樂意不與足力窮明晨儻

可達尚堪歷諸峰有幽固當探無客誰與同餘子不足
偕形往影自從言旋且當爾興在何由終

觀潮

宋 周紫芝

人生如微塵同一霄壤間可笑蟣蠓眼但窺甕中天錢
塘俯滄海八月壯濤瀾始疑一練白倏作萬馬翻海門
屹中開方壺忽當前不知何巨鼇為我戴三山銀光射
傑閣玉筍垂朱闌須臾擊飛雪噴薄上簾顏相看各驚
顧日暮殊未還那知在空濛但恠毛髮寒平生雲夢宵
始信宇宙寬安得凌雲手大筆如修椽盡挽沃天浪參

西湖志

卷三

藝文三

九

差入毫端

次韻張真文著作遊湖山

宋 周必大

我今休閣訟遑念長安遠出遊寫我憂駕言豈顧返撐
舟渡平湖蠟屐試疊巘境幽客更佳風靜日亦烜爾僕
毋告勞我足尚忘蹇眼明見孤山地禁接上苑却登靈
隱寺巖壑此其本徐行盡精舍一一為排鍵勝游固可
繼况乃春未晚所嗟蟣蠓臣無術助龍袞頗聞議深討
將士不及飯古稱格苗頑不必侵自阮吾民戰吾地甌
脫未少損願言休王師歲熟禾自捆

夜泛西湖示桑甥世昌

宋陸游

嗟我客上都忽已見暮春騎馬出暗門眯眼吹紅塵西
湖爲賈區山僧多市人誰令污泉石只合加冠巾黃冠
更可憎狀與屠沽鄰勦勦酒肉氣吾輩何由親少頃一
閑散境寂鷗自馴舉手邀素月移舟來青蘋鐘從南山
來殷殷浮煙津鶴髮隱者歟長樂收釣緝畏冷不竟夕
恨此老病身明發復擾擾吾詩其絕麟

給事葛楚輔侍郎余處恭二詹事招儲禁同寮沈

虞卿秘監諭德允延之右司侍講何自然少監

西湖志

卷三

藝文三

十

羅春伯大著二宮教及予泛舟西湖步登孤山

宋楊萬里

曉雨擣珠屑吹作空中塵拂水無落暈映巒有遮痕承
華兩端尹喜招出城闈一尊澆雲師借風開晝昏諸鬟
忽脫帽孤鏡亦捲裊西湖翳復皎南山洗如新舍舟步
柳堤曳杖啄松門乃是小上林亦有虎守闈桂落贖金
粟蓉粧映碧鄰高堂竹梢上幽榭荷葉濱羣仙此小憇
呼酒領一欣秋花隔水笑笑我墮紗巾更醺不知籌互
嘲還作嗔行樂戒多取况復仄羲輪歸髮兀頽玉還與

醉鄉隣

清明西湖次韻

宋 陳 造

蘇公舊堤東增築更千步右為縈迴溪夾以葱青樹晴
湖映碧山詩客獨多助醉鄉赴新約書癡悔前悞况此
好清明酒果隨意具向來計追歡幾為陰雨阻今者成
清游仍免俗子污斜陽不無情似戀花柳住春光念報
答襞箋次好句此筆付此人遊客半鷓鴣

馬塍種花翁

宋 許 棐

東塍白髮翁勤樸種花戶盆賣有根花價重無人顧西

西湖志

卷三

藝文三

十一

塍年少郎荒嬉度朝暮盆賣無根花價廉爭奪去年少
傳語翁同業勿相妒賣假不賣真何獨是花樹

同陳太傅諸公登六和塔

宋 白 珽

龍山古化城浮屠峙其巔開殿生妙香金碧森具筵應
真儼若生倒飛青金蓮頭陀紺林叢導我丹梯緣初猶
藉佛日閱境儵已元回頭失誰何叫嘯衣相牽且復忍
須臾當見快意天嬌兒詫先登網戶相鈎連炯若蟻在
珠九曲隨盤旋爛爛滄海開落落雲氣懸羣峰可俯拾
背閱黃鶴騫奇觀興懦夫便欲凌飛仙絕頂按坤維始

見南紀偏神臯渺何許旺氣須停躔舟車集百蠻島嶼
通人煙一爲帝王州氣壓三大千剛風灑毛髮鐸語空
蟬聯紅紅杏花園愧乏慈恩篇

西湖山

元 陳思濟

峩峩西湖山靈秀入空碧蘿陰轉累磴松色漬幽石微
霞生絕徑飛溜灑欹壁鶴鳴巖光動花落雲影拆危椒
登古壇百年此一息聲影混大荒不見興滅迹剛風三
天寒元氣萬里色悵望仙子期凝神撫元極

湖上觀春

元 湯炳龍

西湖志

卷三

藝文三

三

閉門五日雨出門萬山春湖光忽見我搖蕩白雲新九
節瘦筇杖一幅故葛巾桃花忽相笑聊復此紅塵有錢
困鞭算有官繫卯申洞然宇宙間餘此自在身但恨不
能飲我亦無事人

湖上即事

元 黃潛

垂雲晝濛濛湖面惟一色薄暮風更生際夜雪初積陰
凝勢方盛塵境喧暫息坐久聞擘音忽然破寥聞

曉行湖上

元 黃潛

曉行錢塘湖旭日青林半霧露寒未除鳧鷺靜初散黃

緣際餘景閃倏多遺玩會心乍有無撫已成獨歎夙子
丹霞約久茲芳草畔獨往願易違離居歲方換沙暄紫
芽動春遠川華亂前期乃寂寞取適豈爛漫小隱倘見
招漁樵共昏旦

湖上分韻得春字

元陳旅

君子佩明信相期湖水濱時欣宿雨霽畫舸送遊人輕
鷗集蘭渚佳樹變鶯晨山遠煙容淡日出水光新美人
含麗思艷曲歌陽春睽攜會彌歡酣適趣益真茲遊敦
德誼况乃及芳辰

西湖志

卷三

藝文三

三

初秋同楊國賢太堅咬住伯堅少監子貞監丞暨

僚屬重泛湖游西山

元周伯琦

清商應候琯涼風滌炎歊蘭臺多暇佚西郊共逍遙凌
晨拂星露適興寧辭遙稼寶豐黃雲擊壤喧髭鬢重巒
霏濕翠澄湖瑩冰綃朱華擁綠衣弄影酣且嬌菰蒲漾
藻景柳槐咽殘蜩樓船泛中流雅會崇風標華謳振遠
樹妙舞驚潛鱗霽虹映文漪飛閣摩層霄登臨劇賞眺
沿洄屢停橈累觴互稱壽氣合笑語饒微陰起天際疎
雨鳴林梢異芳襲四坐霧裡羣仙邀回頭擾擾中何啻

萬仞超人聚合難况際休明朝同班侍璧府峨冠聽
雲韶茲游豈偶爾三生舊相招宛然在瀛島孰謂非松
喬羊謝素曠達李郭真英翹懽各灑灑歸途盡陶陶
攬勝猶未徧尋盟更聯鑣

西湖燕集分韻得南字

元貢性之

我志在邱壑野性夙所耽今晨適休暇樂此風日堪而
我二三友濟濟皆儒簪扶攜眺西郊到處窮幽探湖光
淨澄練山色浮晴嵐林木葉已脫梅花蕊猶絨言瞻和
靖祠荒草埋空函載登岳王墓老樹雲相叅眼明三竺

西湖志

卷三

藝文三

十四

國金碧眩精藍商歌起樵牧清楚來瞿曇方將履夷曠
尋復躡蘄巖去去不知遠落日山倒銜美人具清讌畫
舫如雲龕浮游六橋間水天遠共涵列座總才彥丰采
殊不凡嘉肴雜前陳聊足飫肥甘一觴旣一咏一笑復
一談詩遲罰辭屢令促嚴過三怡怡好兄弟蟄蟄佳子
男武事旣已修文理亦頗諳揖讓自有序疎散徒我慙
起舞影凌亂脫巾髡毳城門告下鑰歸來扶醉酣稚
子候門笑酒痕滿輕衫良晤詎偶然和樂喜且湛勗哉
賓與主秩然盡東南

陪吳叔巽諸君吳山小飲客有期不至者作詩貽
之分得人字限十韻

元 錢惟善

層嵐鬱孤翠幽亭萃嘉賓維時風日美適目江山新鳴
絃調初夏擷芳惜餘春息景坐茂樹俯淵窺潛鱗雍雍
文字飲楚楚樽俎陳德馨幽蘭佩石潤蒼苔裊清賞暫
消搖素期非隱淪黃鳥鳴我傍嚶嚶若懷人百年幾良
會緬茲寂寞濱披拂松雲下結廬行卜鄰

湖上納涼有懷吳子彥

元 貢師泰

天風吹海樹蕭瑟秋氣涼河漢西北流衆星耿微光昔
西湖志

卷三

藝文三

五

我同袍友遠在水一方相思不可見輾轉清夜長遙聞
鳴笳發攬衣月蒼蒼

陳元禮太常以使事至錢塘三月十七日褚無傲

陳君從朱伯言陶中立韓與玉諸公西湖同泛

分韻得氣字

明 王 禕

錢塘積雨餘景物散春媚晴暉被原隰遠映皇華使良
晤愜久睽新晴諧曩契朋儔集芳宴舉酒迭相慰念昔
天子都與君久留滯夜眠每連牀晨出時並轡愛深均
骨肉徃徃佩高誼別離未多年升沈遽殊勢頌臺司禮

樂子職亦云貴况乃銜君命光采增意氣騫騰誠足多
會合初不易清歌送窈窕畫舫蕩空翠庶洽平生歡聊
盡今日醉持觴且徘徊臨風復歔歛

西湖

明 韓奕

不惜目力短不計足力疲平生好游心至老猶未衰竭
來錢塘縣放迹西湖涯興至隨所適在處探幽奇陟嶺
仰巉巖臨堤俯漣漪荒涼隋朝寺剝落唐人碑偕來一
二人舊游問新知閑行無次第野飯有提攜冬晴雲物
妍竟日無還期緬思宋南渡中興實在茲斯民亦何幸

西湖志

卷三

藝文三

十六

相從樂熙熙余生百年後不見宋盛時向來歌舞地臺
榭空遺基盛衰固常理運窮非力支所重有遺愛沒世
令人思周室既東遷行人歌黍離

錢塘江舟中遇潮

明 高啓

舟師夜驚呼隔浦亂燈集潮聲若萬騎怒奪海門入初
來聽猶遠忽過顧無及震搖高山動噴灑明月濕霜風
助翻江蛟龍苦難蟄也知陰陽候來往此呼吸登樓覺
神旺憑險方迴立何處望雲旗煙中去波急

遊西湖

明 徐霖

西湖如明鏡諸山如美人美人照明鏡形影兩能真歌聲何處來山鳥解鳴春飛花舞當筵布作錦繡裯可惜無畫手能為景傳神所賴有詩酒陶寫風物新一賞詎云足安得日相親

秋夜湖上

明周詩

孟秋天宇霽煩暑微消歇故人具尊俎延賞湖上月乃問山中人烏巾度林樾水月相輝映清光辨毛髮漁歌夜分起長河坐深沒扁舟未可還徒倚待明發

留別西湖兼柬孔文谷萬鹿園趙龍巖田豫陽童

西湖志

卷三

藝文三

七

南衡諸君

明周詩

淹薄武林游重輪忽四望興諧謝客幽跡類向長放崇嶺遵逶紆澄湖泛滉漾蓮刹詣諸天香臺遍昭曠聊因杯度慈一遣迷津妄泉挹氣冽清洞歷石攢障側足凌層梯迴與丹霞傍煙綿百雉聯巖嶂兩峰向曬月吳山巔觀濤海門上衰莽弔遺墟懷往情亦愴攀踐匪一途靈異信多狀景物無遁形微尚自茲暢會心既以遠感來寧弗諒結侶得應劉調逸每相抗傾座激懸河芳飈企予仰綢繆林中娛萬事等飄塊發咏互酬答真賞繇

郢唱淒其徂歲陰曰歸介征榜踟躕行復留念此意彌
廣斷梗惜臨流撫膺吐深悵

湖上晚興

明 張文介

日夕湖水佳波光皎如雪沿堤蹋花去獨行自怡悅浮
香時有無流螢乍明滅興盡櫂歸舟山齋照涼月

初至杭左史郭公右史莫公邀宴西湖大風雨歸

作

明 王世貞

錢塘帝都會西湖地靈傑天目日夜輸神漢滙茲穴山
擁三面螺城彎半弓霓謬余長五湖斯往信所闕左相

西湖志

卷三十三 藝文三

六

咏紫薇右樞和白雪銀榼淳官醪湘滕載珍餽籃輿日
駘蕩皂蓋風飄瞥稍出清波門騶聲狎啼鳩色界紛送
奇目疲不得說舟子方進篙黃衫浪花擎俄然雨高墨
頓使萬象湮天笑眇不收塊噫鼓中裂縠紋剪破碎鐵
冠冒巖嶂羅刹怒欲翻鷲嶺奮仍掣此輩逞狂恠西子
頰不悅驟雨面面來蓬牕時時揭莫君如謝安塵尾手
徐挈微謂郭長公雖奇泛宜輟仙舟固所慕角巾毋乃
折郭公笑王生此態為疇設昨夜真宰過頗畏靈秘洩
袖君斲輪手更卷雕龍舌不見漢陂行雷雨亦愁絕玉

立山未頽鯨吞海仍竭攜興逼暮歸萬燎吐明滅

薄暮赴臬中諸公期未歸出憇湖上旋得新月湛

然獨勝因成此篇

明王世貞

振策謝囂埃改憇湖上宮東霞尚冠渚西魄已收濛瀰
瀰煙幕地澹澹月弦空俄頃吐清照萬碧開朦朧潛虬
飲遙止栖鶻磔幽叢戢騶延遠音偃蓋恣歸艖淨色坐
相媚靈景佇莫從酬賞誠少闕會心何必同

西湖

明顧璘

羣山窈迴合豁爾開洪區澄波滙且廣宛在都城隅靈

西湖志

卷三

藝文三

九

秀自天闢臺觀絕世無虹橋蔭芳樹煙渚發紅蕖蘭橈
鬪轉捷越女夸容姝蓮歌蕩人心揮金盛中廚靡靡即
懽宴豈遑顧蓄畬但苦白日暮西風吹水枯

湖上閒居季思子往適至

明高攀龍

正爾山水間念吾煙霞友春風吹微波日暮倚楊柳我
友惠然至童僕喜奔走相別歎經時相逢慮非久所歡
得晤言欲言仍無有默默各自懷一室向相偶夜深不
能寐明月在東牖

雨中汎湖

明陳邦瞻

朝霧忽以濃留雲逗木末雨色接湖光逾覺煙波闊因
之赴中流扁舟遂超忽靜無魚龍虺間有鷗鳧沒溟濛
沖氣盈澹蕩塵襟豁漸近孤山路微風度香雪

山行歷龍井諸處還孤山

明 馮夢禎

清旦踐夙期泛舟益新侶和風薰肌骨初旭媚空水水
窮山色親徑仄樹容美龍泓晝常陰竹閣晴亦雨返策
循廣隄沿流越孤嶼落日纈通川紅芳爍羅綺青帝無
迴鑣春物寧淹晷濃淡準疇昔羽觴奮靡止

西湖浮梅檻

明 黃汝亨

西湖志

卷三

藝文三

二

薄言黃山游歸託明湖宿瀟散行水湄澄鮮映林麓豈
無木蘭橈夷猶遂所服古人攬浮梅我愛南山竹裁之
編爲桴鷗鳧日相逐長卧苻帶間山山下臨屋
輕風宕澄湖泛此清虛宅高落衆山青平移一水白披
帷曠無徒煙霞亦來客與波以尚羊游魚輕几席不作
問津人悠哉任吾適

西湖

明 袁宏道

龍井饒甘泉飛來富石骨蘇堤十里風勝果一天月錢
祠無佳處一片好石碣孤山舊亭子涼蔭滿林樾一年

一桃花一見一白髮南高看雲生北高看日沒楚人無
羽毛能幾到吳越

湖上似濮樂閔吳季良

明黃玠

湖水碧於玉湖船深似屋銀鬕供奉酒金縷新翻曲花
濃春亦醉波淨雲可漉當為故人飲但畏白日速

國朝

泛舟至雷峰步登南屏絕頂下憩淨慈寺

袁啟旭

輕煙裊素波花明見微磴槎櫂柳港陰遂躋層巒

西湖志

卷三十三

藝文三

三

勝浮圖積古色石竹隱凌競山風何飄飄吹袂上
羅徑苔蘚重逾膩松柏森猶勁峰回萬象開水迴
孤霞映紺宇嵌空冥精藍窈窕深靚一叩蒼扃幽便
滌塵襟淨邈然人代感緬想真如境浮生胡攘攘
至理復誰證安排在巖樓朝昏永游泳

壬寅三月方貽招同留仙西眉泛湖登湖心亭即

和留仙作

陳祚明

洩雲翳翠峰積霖漲羣壑理楫漾中流登茲湖心
閣跳魚水濺濺樵徑山濯濯波平滌綠蕪雨泫滋

紅藥澄泓面深廣宵靄映迴薄閱世奠川原弔古
瞰城郭臺榭湮礎楹林泉廢沉鑿鐵馬歛奔馳金
牛失騰躍百堵盡爲墟孤亭歸可樂天晴集游冶
人散啼鳥雀佳氣生榛莽春光轉蘭若遂有高軒
游復此壺觴酌即事率爾懷有美斐然作造感情
靡窮屬和調已怍倘愛邱中琴勿遺荒塗屨策杖
苟同欣願言尋所託

西湖

張遂辰

湖山富樓閣向背不可移何如舟不繫一水信所

西湖志

卷三十三

藝文三

三

之綠罇暇共載白鷗輕許隨潭邊拾蓮葉露下采
蓴絲始知百花外別有清涼陂行住率吾意春服
惟其時每起風落日詠歸良在斯

吾友聞孝廉山水無不歷常揆淺深間西湖最清
適百迴攬不窮偶出良已得因欲聯我朋遂立打
船律釀金采木蘭人歲具其一懽從不數年煙雲
互主客風幔任卷舒曲房可晨夕豈惟布壺觴要
取位琴弈佳游有典型對或共詮述

懷西湖次東坡原韻

宋 犖

西湖東南美遊眺多高賢白蘇兩寓公領略得其
全繫予愛山水出郭疾病捐譬如蜂就蜜所性良
由天盤山與廬阜入手自往年西湖咫尺耳徒聞
好事傳今夏六月中緬想荷花鮮秋憐湖上峰娟
秀縈雲煙何待段橋畔桃柳爭芳妍晴空每矯首
清夜或廢眠幾日冷泉亭佳茗手自煎一枝老藤
杖須趁腰脚便勝地如勝友堪結歲月緣鴨嘴船
易買已辦囊中錢

扈

西湖志

卷三

藝文三

三

蹕西湖紀事

宋 犖

平生慕西湖聞說便神旺吳越咫尺耳七載勞悵
望何意奉

宸遊夙懷得一暢朝出湧金門耳目忽清曠水潑葡萄
醅山矗翡翠障白蘇勾留處西子譬允當追隨豹
尾間未敢策筇杖

聖情塵民依物外聊探訪
御墨灑湖亭勾陳入雲嶂

詔許侍從臣小憇就畫舫亭午獨徘徊迢遞聞漁唱六

橋宛沿緣兩峰屹相向指點從山僧脫帽迴堤上
瞻拜武穆墳酹酒發悲愴還過冷泉亭兀坐茶煙
颺竒峰真飛來驚歎莫能狀勝地難久停歸趁湖
波漲道人索題詩留待後來償殘陽掛斷塔古色
落樣榜薄暮趨

行宮劔珮依仙仗

重陽後三日邵戒山學士招飲輞川時桂花盛開

陸棻

九日湖上遊景物歎蕭寂華軒肯我顧折簡已遄

西湖志

卷三

藝文三

十四

及山莊車馬稀雜賓禁躡屐栽柳方垂絲剩荷猶
聚碧攝衣一登樓天香染眉額

訪友靈隱澗西

徐顥

樹密不見天苔深不見地寒翠衣上濕綠粉空中
墜幽禽何處鳴山月無期至顧影不相疑陶然已
復醉

二月十日周上舍崧招飲晨過昭慶僧舍雨霽偕
諸君登舟循孤山沿蘇公堤至定香橋尋杖策
歷大小南屏觀摩崖家人卦舟回席上賦六十

韻

朱彝尊

山行有前期晨起風雨惡周郎衝泥過促赴開沽
約車從酒庫來航近寺門泊同調六七人畢來踐
宿諾俄頃濕雲收週遭露巖粵紈如津鼓動解我
青絲紵隄綠水仙祠柁轉巢居閣已枯宅邊梅何
况墓上鶴舍之度西冷椒壁乍圻堊長廊面積水
華構織新箔云何丹粉外團焦用絢索得毋法堯
階茅茨罷翦削循此湖上洄尋復步衡薄雙樹繚
檐楹層樓敞櫺櫺倒影碧重巒殘英紅一萼抽梭

西湖志

卷三

藝文三

三五

白魚跳拂鏡翠羽掠十亭此為最奇豈落棧壑同
游興未闌我心亦有託思訪摩崖書剔蘚試摹拓
篙師樣舟誤失道墮蕭藿俄聞南屏鐘扶杖強趨
趨到院風滿林松栝雜楊柞客過僧不迎去疾走
矍矍此輩廢耕畬安坐享齋饌何不勒歸農驅使
荷鋤鑄夕曛斷塔明仰見飛鳥羆起行十畝間柔
桑已沃若修修綠筠竿濕粉脫鮮籜曲木橫為橋
中以石填廓苔磴側未安賴有藤婁絡頽齡苦足
繭十步九引却賈勇始一登履險漸寬綽石徑早

淪亡餘者日銷鑠家人卦六爻何年此鑿鑿曩偕

鋤菜翁

曹侍郎溶

相攜共磅礴彈指四十春重過感今

昨流傳迂叟題所喜未闕落威鳳臆騰騫垂龍爪
拏攫亟宜響榻回悔失攜竹膜字仿婁機箋手學
蔡邕摸坐久暝色催出谷下危徇平湖水悠悠遠
岫山漠漠喚渡無緩聲舉疇有逸爵廚勅江庖烹
盤飮海物錯紛綸算觥籌稠疊進羹臠吾衰僅兩
齒笑比牛軟嚼於禮去煩苛既醉忘喞喙邇來數
近遊今日樂上樂雖殊梓澤叙合繼蘭渚作於焉

西湖志

卷三

藝文三

三

迭觴咏詩排硬語各且當柅我車入市趁櫻酪主
人洵好奇語客君且莫茲遊縱可娛所見但塗腹
詎足契真情要必遠城郭須為裹飯交選勝窮寂
冥兩峰躡晨梯九鎖開夜鑰行逢鹿銜花卧聽禽
擣藥暇看樵子棋雄對仙人博子言我獨哂其柰
筋力弱後遊倘可陪閉戶養腰脚

南屏精舍

龔翔麟

東風西子湖鱗鱗綠於釀吳儂刺釣船拏煙闖肥
浪樹杪見孤墪移船埠頭傍蠟鞵縛兩脚扶篙雁

齒上跬步到寺門花宇十層壯我尋南渡蹟圓照
井無恙井南有細路黃犬吠深巷沉沉松插雲
戛竹鳴嶂蹒跚未半里丈室牖南向背不繚粉垣
依山作屏嶂米囊花滿街春殘萼未放書幌借地
停吟飲兩無妨鄉僧亦解事汲泉挑笋餉指點慧
日峰引我試畫杖側眺錦軍城紅埃卷蹄輻何如
事幽探寄情得遐曠

西湖

王鴻緒

夙聞西湖名直比西施面薄宦阻勝遊夢寐思一

西湖志

卷三三 藝文三

三

見今朝扈

蹕來天假人之便清晨出城闥全湖淨如練周圍三十
里中流聳樓殿春風駕畫橈波紋劃深靛十景煙
靄重六橋桃柳行山長刹影明水闊花光絢何石
不鸞騫何溪不珠硯吾觀西北山無水乏婉孌載
觀東南水無山宣靖藉山與水相涵固惟此盡善
乾坤毓奇秀乃萃吳越甸况兼白與蘇風流昔所
擅遺蹟至今存好事爭修繕人來勝地清女競春
時倩珠幃帶詩筒畫舫飄歌扇撥雲或獨往拾翠

還攜串是處可浮觴小憇亦花院盡日無歸情相
看曾不厭素懷聊足酬幽賞顧未徧明朝發前途
數月有餘戀

大佛寺

顧詒祿

祖龍昔東游繫纜茲山側纜去石空留萬古此劣
崩高僧矢弘願妙相出剝刻藤蔦作華鬘雲霞供
藻飾我聞維摩居方丈坐百億盡如丈六身母乃
憂偏仄經言廣長舌徧覆大千國幻象信有之佛
語固真實

西湖志

卷三

藝文三

三

移居葛嶺用淵明韻二首

釋上緒

昔慕湖上山今愛湖上宅移居遂我情湖光見朝
夕人生靡有常何事苦行役苟能釋俗氛豈妨門
閉席栖栖矯世者事恐易今昔不若倚仙翁丹經
相判析

近抱樸
子隱處

我來秋日佳及此當賦詩四山漸蒼紫興發隨往
之巢枝應亦擇十笏慰所思百物雖自異動靜各
以時有時念朋好忽遂來晤茲海鷗遙可玩語汝
終勿欺

移居南屏再和陶韻二首

釋上緒

一歲三易居未始安其宅昨尋南屏幽日隱雷峰
夕故人適嘉招欣焉從茲役精廬下瞰湖波光如
綺席西吾開山僧也個儻儔事蹟迴疇昔余方慕道深
理應從此析

風泉自成韻林籟自成詩齷齪趨世士點綴徒強
之而我歸外人冥心安所思倚伏見物情榮枯感
歲時以故棄塵網願守常在茲孤行誰爲鄰前修
匪我欺

西湖志

卷三

藝文三

三九

西湖志卷之三十三